



**174/2019 ZENBAKIDUN ALKATETZA-DEKRETU BIDEZ ONETSI DA 2019KO HIRI
IZAERAKO ONDASUN HIGIEZINEN GAINEKO ZERGA ETA 2018KO ZARAMA
ETA ESTOLDERIAGATIKO TASAK ERRENTA TXIKIAK ORDAINTZEKO DABEZAN
BARRIKAKO FAMILIA-UNITATEI LAGUNTZEKO DEIALDIA ONETSI DA, KULTURA,
KIROL ETA LAGUNTZA JARDUERETARAKO DIRU-LAGUNTZAK
EMATEKO BERARIAZ ARAUTZEN DABEZAN OINARRIEN ARABERA**

Kultura, kirol eta laguntza jardueretarako diru-laguntzak emateko udal Ordenantzak agindutakoaren arabera, Osoko bilkurak onesteko erabakian ahalmena emonda, 2018ko urriaren 23an informazio-batzordeak emondako erizpenaz bat etorrira ebatzi dot:

LEHENENGOA

Hiri izaerako ondasun higiezin gainera zerga eta zarama eta estolderiagatiko tasak ordaintzeko errenta txikiak dabezan Barrikako familia-unitatei laguntzak emotea aratuko dabezan oinarriak onestea. Testua hauxe da:

1. artikulua. — Helburua

Oinarri hauen helburua da arautzea nola emango zaizkien zenbait diru-laguntza halako baldintza jakin batzuk betetzen dituzten familia-unitateei. Diru-laguntza horiek lehia-keta bidez emango dira, eta erabiliko dira 2018ko «hiri-izaerako ondasun higiezin gainera zerga» (OHZ) edo eta «zarama eta estolderiagatiko tasak» ordaintzen laguntzeko, betiere ohiko etxebizitzarako bakarrik (zarama eta estolderien kasuan, 2018an igorritako lau ordainagiriak). Ondoko artikuluetan ezartzen dira bete beharreko baldintzak.

2. artikulua. — Hartzaileak

Ohiko etxebizitzaren titularrak diren pertsona eta familia-unitate barrizkotarrak. Etxebizitzan benetan bizi diren pertsonen multzoa familia-unitatetzat joko da. Egoera hori biztanleen udal-eroldaren egiaztagiriaren bidez ziurtatuko da.

3. artikulua. — Baldintzak

1. Ordainduta edukitzea kasuan kasuko higiezinaren «hiri-izaerako ondasun higiezin gainera zerga» (OHZ) eta «zarama eta estolderiagatiko tasak», 2019koak.

2. Higiezin baten erreziboaren gainean egiten bada laguntza-eskaria, higiezin horretan eroldatuta egon behar da 2019ko urtarrilaren 1a baino lehenago, eta higiezin horrek ohiko etxebizitza izan behar du.

3. Ohiko etxebizitzaren titularrak izatea. Titularra hil bada eta higiezinaren titulartasuna oraindik aldatu ez bada, erreziboak ordaindu dituen pertsonak eskatu ahal izango du diru-laguntza, baldin eta gainerako baldintzak betetzen baditu. Diru-laguntza ordainketa-kontu berean sartuko da.

4. Laguntzaren sorburu den higiezinaren katastro-balioak 113.229,57 eurokoa edo txikiagoa izan behar du.

5. Nahikoa diru-baliabiderik ez izatea. Familia-unitate osoaren urteko diru-sarrerek, 2019an, ezin izango dute gainditu 36.750,00 euroko zenbatekoa (lanbidearteko gutxieneko soldata, 1.050 euro, bider 2,5, bider 14 hileko). Familia-unitateko kide-kopuruaren arabera haztatuko da gehienezko muga hori:

Kide-kopurua	Zuzenketa-indizea	Diru-sarreraren gehienezko muga (€)
1	1,00	36.750
2	0,95	38.684
3	0,90	40.833
4	0,85	43.235
5	0,80	45.937
≥6	0,75	49.000



6. Barrikako Udalarekin eta Ogasunarekin zerga-betebeharrak egunean izatea; Gi-zarte Segurantzarekikoek ere egunean egon beharko dute.

7. Eskabidea egiten den unean, familia-unitateko kideek edo unitate osoak ezin izango dute beste etxebizitza baten jabe izan, %100ean, (ohiko etxebizitza ez bada); konputu horretatik kanpo geratzen da trasteleku eta ibilgailu bakar baten garajerako loka-la, baldin eta laguntzaren sorburua den etxebizitzaren eraikinean helbideratuta badago.

4. artikulua.— *Bateragarritasuna*

Laguntza hauek ez dira bateragarriak izango helburu bera duten beste laguntza bazuekin (GLLetako mantenimendua). Beraz, 2019an, GLLetako mantenimendu-kontzep-tua jaso duten familia-unitateek ezin izango dituzte laguntza horiek eskatu.

5. artikulua.— *Zenbatekoa*

2019ko aurrekontu-proiektuan laguntzen deialdi honetarako jasotako gehienezko kreditu erabilgarria 4.000 eurokoa da.

Laguntzok emateko prozesua lehiaketa bidezkoa izango da. Diru-laguntza bakar bat emango da familia-unitate bakoitzeko, eta familia-unitatearen diru-sarrerak kontuan har-tuta zehaztuko da zenbatekoa.

Kide-kopurua	Familia-unitatearen diru-sarrerak, guztira (€)	2016ko OHZ, zarama eta estolderia tasen gaineko %
1	≤16.447 16.448 – 24.766	100 50
2	≤17.313 17.314 – 26.069	100 50
3	≤18.275 18.276 – 27.518	100 50
4	≤19.350 19.351 – 29.136	100 50
5	≤20.559 20.560 – 30.958	100 50
≥6	≤21.929 21.930 – 33.021	100 50

Baldintzak betetzen dituzten eskabideen zenbateko osoa 4.000 eurotik gorakoa bada, hainbanatu egingo da zenbatekoa.

Aurrekoa horrela izanda ere, 2018ko Aurrekontuko 2310 48001 kontu-saila («Bekak eta bestelako laguntzak») 8.000 eurokoa da, eta 2017 eta 2018ko laguntzak emateko erabiliko da. Beraz, deialdi batean sobera geratzen dena, halakorik izatekotan, bestea osatzeko erabili ahal izango da behar izanez gero.

Ondoko egoeretako batean egoteak aukera emango du laguntzaren %100 jasotze-ko, betiere baldintzak betetzen badira eta diru-sarreraren gehienezko muga gainditzen ez bada. Hona baldintzok:

- 2016-2017an gertatutako hipoteka-egikaritzapeneko prozesu baten ondorioz, ohi-ko etxebizitzaren maizter-botatze judiziala izatea.
- Genero-indarkeriaren biktima izatea (honela egiaztatuta: tratu txarren salaketa, kautelazko neurriak edo epai irmoa, urruntze-agindua tartean dela).
- Familia-unitateko kideren batek, mendekotasuna baloratzeko baremoaren arabera, II. gradua edo III. gradua edukitzea.
- Guraso bakarra izatea, bere ardurapean adin txikikoak edukita (guraso banandua, dibortziatua, alarguna, ezkondu gabeko gurasoak).

**6. artikulua. — Eskariak**

Eskabidea (I. eranskina) behar bezala beteta aurkeztu behar da, eta horrekin batera, beste dokumentazio hau ere bai:

- Familia-unitateko kide guztien NANen fotokopia.
- Familia-unitateko kide guztien datu pertsonalak lagatzeko baimena (I. eranskina-ren atzealdea). Adin txikikoen kasuan, bere legezko ordezkariak sinatu beharko du baimena.
- 5. artikuluan jasotako inguruabarrak egiaztatzea.
- Bidezkotzat jotzen den beste edozein dokumentazio osagarri.
- Erantzukizunpeko adierazpena, azaltzen duena interesatuak egunean dituela Barrikako Udalari, Ogasunari eta Gizarte Segurantzari egin beharreko ordainketak (I. eranskinean sartuta).
- Laguntza ordaintzeko erabiliko den libretaren edo kontu korrontearen zenbakia edo kodea (I. eranskinean sartuta).

7. artikulua. — Aurkezteko epea eta lekua

Eskabideak aurkezteko epea egutegiko 30 egunekoa izango da, iragarki hau Bizkai-ko Aldizkari Ofizialean argitaratu eta hurrengo egunetik zenbatuta.

Eskabideak Udaletxeko Erregistro Orokorrean aurkeztu ahal izango dira; edo, nahi izanez gero, urriaren 1eko 39/2015 Legeak —Administrazio Prozedura Erkideari buruzko Legeak— 16.4 artikuluan aipatzen dituen lekuetako edozeinetan.

Postetxearen bidez aurkezten diren eskabideak, egiaztatu baino lehenago, gutun-azal irekian aurkeztu beharko dira, postetxeko funtzionarioak data jarri eta zigilua eman dezan.

8. artikulua. — Eskabideen zuzenketa

Eskaria edo erantsitako dokumentazioa guztiz osatu gabe badago edo zuzentzeko moduko akatsen bat badu, eskatzaileari adieraziko zaio 10 egun baliodun dituela akatsa zuzentzeko, jakinarazpena helarazi eta hurrengo egunetik aurrera, eta adieraziko zaio, halaber, horrela egiten ez badu eskarian atzera egin duela ulertuko dela.

9. artikulua. — Kide anitzeko organo instruktorea

Laguntzak emateko organo instruktorea Mankomunitateko Gizarte Zerbitzuen Saila izango da.

Organo instruktoreak txostena emango du, eta bertan, batetik, egiaztatuko du baldintzak betetzen direla, eta, bestetik, akordio-proposamena egingo du, alkate jaunari aurkezteko.

10. artikulua. — Eskabideak ebaztea

Alkate jaunak onartutako akordio bidez emango dira diru-laguntzak.

Ebazpena emateko gehieneko epea bi hilekoa da, eskabideak aurkezteko epea amaitzen denetik. Eta epe hori igarota, ebazpen adierazirik ematen ez bada, diru-laguntzaren eskaria ezetsizat joko da, hala ezartzen baita Administrazio Prozedura Erkideari buruzko urriaren 1eko 39/2015 Legearen 25.1.a. artikuluan.

Ebazpenaren aurka berraztertze-errekurtsoa aurkeztu ahal izango zaio ebazpena eman duen organo berari, hilabeteko epearen barruan, emandako diru-laguntzak argitaratu eta hurrengo egunetik zenbatuta.

11. artikulua. — Diru-laguntzen ebazpena jendaurrean

Diru-laguntzen ebazpena Barrikako Udaletxeko iragarki-oholean eta web-orrian emango da argitara

**12. artikulua.— *Arauteria orokorra***

Deialdi honetan ezarritako diru-laguntzek ondoko xedapen hauek izango dute araubide: ebazpena bera, emate-aginduetan ezartzen diren gainerako baldintzak, Diru-laguntzei buruzko azaroaren 17ko 38/2003 Lege Orokorra, uztailaren 21eko 887/2006 Errege Dekretua eta Administrazio Prozedura Erkideari buruzko urriaren 1eko 39/2015 Legea.

13. artikulua.— *Itzultzeko prozedura*

Dagozkion baldintzak bete gabe eskuratu bada laguntza, itzuli egin beharko dira behar ez bezala jasotako zenbatekoak, itzultzeko prozeduraren bidez.

BIGARRENA

Argitara bedi laguntza hauen 2018ko deialdi publikoaren iragarkia Bizkaiko Aldizkari Ofizialean, bai eta Udaletxeko iragarki-oholean eta web-orrian ere.

Barrikan, 2019ko abenduaren 18an.—Alkatea, Roberto Muñoz García